

含山縣志序

域中大權有三史居其一
焉山川之險易人物之淑
慝風俗之淳澆以及治忽
興亡之法戒皆賴史以傳

趙序

史之權不綦重乎欲求信
史於天下尋源達委端在
郡邑故郡邑之有志猶國
之有史也含古歷陽界當
江淮之衝爲吳魏百戰地

四山矗起一水滌滌眺矚
流連令人神往余於癸亥

夏新膺

簡命承乏茲土時

聖天子車書一統海宇昇平

趙序

二

爰渙

綸章廣開志載

督撫兩憲臺馳檄大江

左右彙集郡邑諸志啟棘
闌而布席焉猗歟盛哉文

教聿光矣第舍志自余鄉
朱公重修後迄今三紀世
變風移雖山川如故其間
戶口之增損田賦之變通
者幾何闕市之廢置宮廟

之釐正者幾何忠孝節義
之芳規瑰異琦行之偉蹟
遺佚不聞者幾何今不爲
之紀實考信將何以續三
十餘年之曠廢而垂示久

遠乎於是不辭固陋延集
邑之紳士矢公矢慎博稽
幽討焉寧質勿華寧簡勿
濫寧慎重勿浮誇庶幾疆
域有所據不虞其漏也版
籍有所定不虞其紊也賢
者得以傳不肖者知所勵
也是則余之志也後之蒞
茲土者其亦有感於余之
志也夫

肯

皇清康熙甲子季夏之吉
文林郎江南和州含山
縣知縣博姑趙燦錦濶
父撰



載序

邦稱吳楚噪耳食者徧震
海余謬蒞茲舍已得大較
餘閒搜舍志一帖中間熨
貼皴疥殊不勝有修繕之

趙載序

一

感自國史一書繼麟經絕
筆後十有七種綱目得麟
經之遺而考亭之筆削得
春秋左氏之統宗其亦大
宋之春秋乎抑亦萬世之

春秋乎表裏是是非非大
書特書爲天經地義昭若
日星此遷固而後紫陽氏
之一傳再傳揭直道於中
天而表彰於燦者也諸國

趙載序

二

史而外則爲傳爲記爲郡
志爲邑乘亦有麟經之遺
焉此舍邑之乘有待於修
之亟亟也舍志所載如風
俗人文山州名勝祭祀典

禮義夫節婦土產疆界罔
或少遺此庖厨襍藝府庫
六經包羅萬有不得名流
碩抱烏能勝任而愉快爰
集王子千里唐子秩臣鍾

趙載序

三

子孝虎張子九雲毛子碩
人唐子修巖分彙纂著佛
時仔肩率成舉數十年中
葉不無損益隱見之漏乘
興朝大修一統全志之盛之

時從而振興之使字追句
琢南金竹箭炳炳磨磨如
日月經天江河注地後之
君子伐帖而如見今日於
几席面談間猗歟休哉余

趙載序

四

雖貧於官適亦快余之懷
也云爾

薄姑趙燦載撰



含山縣志序

志言記也與國史爲表裏志以
郡分史以國合故國史爲郡志
之合郡志卽國史之分史也者
上接王風寓明春秋之義大書
特書非非是是炳日星而昭雲

林序

一

漢自龍門振始歷兩漢六朝唐
宋諸大家各秉一椽爲一代成
書極九州四表人物山川諸勝
記載罔遺蓋亦博採於諸志而
大備之史亦志之一大都會也
志固與史並重含之有志舊矣

自前尹牟朱兩公纂輯帖成緗
面及今多歷年所世幾變風亦
幾移矣其中損益廢興不一而
足諸如

聖宮賢廡名宦鄉賢官舍田園
興於兩公之年者繼或廢於今

林序

二

日有增益於兩公之後者或未
備於先年不考核詳確錯出先
後訛以益訛謂信志何謂百世
何余每志切修明力既慚薄而
任又非所宜專希噓浩嘆蘊結
孔將虞管管莫之或逮何是歲

春 邑侯博興趙公蒞舍甫期
百務修舉亟發其志而昭明之
乃晉揖知名諸君子操觚濡墨
戎理肩事盡舍之人物名勝山
川土田建置沿革記以信不記
以疑記以寔不記以華區類別

林序

三

額條析縷分不遺千鈞芒髮當
事又從而典贍之按事徵詞追
字琢句卽起太史公董狐穀梁
輩而問之亦將嘆其寧質無文
寧直無阿無忝於考亭弇州諸
君續筆綱目輔翼春秋之一班

也余不才愧櫟櫟於梨棗得步
塵於諸君子之後幸何如之敢
謂此志僅一邑之志一日之業
也哉侯秦岱名宿蒞舍多治行
舍人士能言之茲不具贅云
康熙甲子天中舍山縣儒學教

林序

四

諭毘陵林搏雲頓首拜撰

舍山縣志序

余不敏株守一經濫竽歲薦家
居閒暇無案牘之擾以勞其形
神時肆力於墳典丘索載籍圖
史舉凡五嶽之高百川之遠雖
未身歷心竊嚮往久之甲子春

吳序

一

得分舍訓知舍屬歷陽近金陵
風土人物佳麗甲於天下得之
傳聞者久在意中及奉

命之官見山環水遠知其土厚而
水深也見士愿民樸知其風醇
而俗美也數十年之夢想一旦

而履其地接其人斯已奇矣乃受任伊始恭逢 邑侯趙公重修邑乘 同寅林公左右而贊勲之卜吉環峰書院延請紳士鍵戶編輯夫志何以必修蓋以今之志志昔也後之志志今也

吳序

二

後之不修昔將安繼倘前事修明後事闕略是有志無志也抑且歲月浸久字磨版軼遺文湮沒傳信傳疑皆無可考失此不修是有志無志也舍志創始於牟公增華於朱公厥功大矣而

朱志成於順治六年

本朝定鼎之際值兵燹之餘數十年流氛寇亂雖一旦廓清乃家有藏書半屬咸陽之火邑無紀載空餘秦氏之灰幽光潛德豈盡闡揚野史稗官寧無遺漏况

吳序

三

復相沿又歷三紀繼此勿修是有志無志也而諸紳士悉皆名下無不驅獵左史引勝開奇猶復矢慎矢公徵文考獻紀事則寧嚴而無濫摘辭皆崇雅以黜浮剛繁就簡化腐爲新閱數月

而告成事書成之日謂余得例
載數言余滋愧矣夫以邑之名
碩紳儒敲金戛玉琳琅珠璣著
美於後而以余弁言於前則糠
粃焉且以諸大人先生之稟經
酌雅冠冕於前而以余續貂於

吳序

四

後則又瓦礫焉雖然余亦烏可
無序也方今海外悉已歸誠車
書一統

聖天子敷崇文教

詔天下纂修通志進

睿覽舍雖彈丸其間建置沿革星

野山川戶口土田民風吏治無
不備具皆得區分類別集爲成
書可以法今可以傳後而余猶
獲以稽古之力謬綰半通躬逢
盛事附名簡端藉以不朽茲非
其厚幸與是爲序

吳序

五

皆

康熙歲次甲子荷月舍山縣訓
導古嶺吳自立頓首拜撰



合山縣志序

志與史其名異其義一也
國家大經大法有關治體
者必載諸史策以垂永久
而方域碁布山川謠俗史

許序

一

所不及列者守宰咸得集
成一書以爲輶軒問政之
助此郡邑志所由始乎顧
史兼褒貶詞貴直而無私
志主揚抑事取核而有據

廼史自南董而降或諛或
誣率多失實固不如志之
近見諸郡邑者猶爲信而
有徵也

今皇上文德武功統一區宇

許序

二

環海內外皆歸版圖爰
詔天下纂修通志進呈
睿覽蓋與禹貢作而九功惟
叙職方著而兆民阜成先
後同揆焉誠重視之也邑

矣 趙公剖符舍土仁愛
拊綏善績未能殫悉以叅
稽訓典振興風化爲已任
念舍邑舊志蒐錄未備且
自 朱公成書迄今三十

許序

三

餘載其間因革損益政令
多所變通倘不亟行釐訂
年愈久而蹟愈湮不得不
似郭公夏五之闕疑矣用
是禮聘邑中名宿卓可矜

式者分局類纂寫之琬琰
而諸君子研索窮膏晷之
勤網羅極文獻之美仰資
國是俯協輿情削墨從繩
期於至當三閱月而志告

許序

四

竣屬叙於余余遜謝者再
四第 朱公前志曾附贅
數言茲再逢修舉曷敢不
操觚紀述也 朱公當定
鼎伊始劫火秦灰舊聞放

失卽欲探藏書於柱下諮
軌事於老成而滄桑旣易
甲乙滋淆若夫運際昇平
悠游討論得以肆力編摩
潤色鴻業於戲何其盛也

許序

五

矧此三十餘年來召杜循
良相繼舍之士敦懿行農
服先疇風氣日新人文蔚
起橫經庠序者家擅繡虎
之稱拜職彤廷者各抱濟

川之具以至壺範幽光節
烈輝映倫常攸賴哀輯彌
多是前人爲其約略而今
爲其精詳也余披讀新志
而三復之秩乎綱整而條

許序

六

貫也確乎理正而辭嚴也
郁郁乎藻采之葩以厚也
可以別淑慝昭勸懲可以
彰往事垂來襍諸君子抒
竭三長共成良乘足副

邑侯慎重求賢之至意而
叢爾之阮載籍粲然明備
俾觀風者知所採攷實者
得所據則邑侯之有造於
舍厥功豈不偉且遠哉昔

許序

七

考亭氏守南康甫下車首
詢圖志學士謂其識大體
故知志者史之源也善爲
政者運治樞而調化瑟莫
不於斯折衷取裁焉舍志

有 朱公興起於開代復
得 趙公增修於邳隆兩
公又籍同山左並擢魏科
急所先務撰定不朽之弘
文洵稱舍士奇緣也余依

許序

八

託樂郊兩觀其盛簪筆颺
休獲列姓名簡末不亦厚
幸也歟

告

康熙甲子仲夏之吉

重修含山縣志後序

中憲大夫湖廣德安府知
府前吏刑兩部郎中兵
部職方司員外督捕主
事奉

命癸卯科陝西主考許暢

許序

九

謹撰

後序

一

原夫軒皇御宇爰立史官蒼頡沮誦實居
厥職洎乎夏商史分左右故曰左史記言
右史記事言經尚書事經春秋是史也者
造其極則爲經周官太史小史內史外史
御史凡五而小史掌邦國之志外史掌四
方之志是史也者當其分亦爲志但禹貢
職方之書有志意焉而無其名扶風地里
之志有志名矣而非其書迨夫三國陳壽
始專以志稱厥後遂有十道九域寰宇諸
志然此皆國志也自明初一統志成而郡
縣皆各有志蓋志源于縣流於郡匯於省
朝宗于天下猶百川之必趨於海也有統
志不可無通志有通志不可無郡志有郡

志不可無縣志猶人身之必資於四體百骸也舍邑舊名龍亢僑立於東晉建興於李唐其來雖久然屢朝沿革不定隸屬無常迄於有明始定爲縣隸於和故志亦附於和嘉靖末龍厓牟公特創縣志意此時操觚家正如史氏居疏乞而紀循蜚鉅靈句疆真茫昧而難據也又百有餘年至

後序

二

本朝世廟初德平朱公乃從而修葺之意此時操觚家何異春秋立定哀而指隱桓郭公夏五得不取疑信而兩存耶今距朱公時又垂四十年矣嘗與同志諸子惴惴焉懼之未載者懼其久而淹也已載者更懼其譌而莫辨思欲折衷前志撫拾舊聞勒爲一編以示後世念此國書不敢苟作亦

不敢私作以滋罪戾癸亥秋幸我邑侯趙公中原耆宿科第名流下車首詢邑乘卽以修葺爲已任恭遇

聖天子車書一統修會典徵通志前兩江制府大中丞于公檄行郡縣辟取名碩紳儒野人不知璞玉悞寶燕石使者自貪重賞貴買山雞廷伯因得濫竽纂館從諸君

後序

三

子後比歸公已延集諸子皆邑中名下士余素心畏友也開局書院刻日組修公謬謂余爲過來人遂並招以襄厥事時歲莫未遑卽舉越明年甲子春二月始就局焉公復特加鄭重焚香告天舉酒酹地務矢公而矢慎期必信以必從諸同事領公厚意用是夙夜黽勉不敢告勞遵

功令照豫式除河防封建帝王隱逸方技雜
辨地方之所無者闕之餘類與諸子分曹
讎校若圖考若沿革若星野若疆域則昔
訛而今正若城池若學校若公署若祠祀
丘墓若戶口田賦則昔略而今詳其山川
風俗古蹟物產或增十一或增十三至于
秩官之著者爲名宦選舉之賢者爲人物

後序

四

故名宦簡而秩官備人物慎而選舉周也
若乃孝義列女僑寓仙釋皆畸行高節之
流道術文章之士宜在人物而各自爲類
者以示特書故前此勿敢逸後此勿敢濫
也惟藝文一則率志尚散見於篇章朱志
則僅存其梗概茲特另彙成帙而志乃聿
觀厥成也凡爲圖若干爲例若干爲類若

千爲卷若干爲幅若干爲言若干兩閱月
而脫稿又兩閱月而剞劂乃竟然是役也
每輯一類必稟裁于邑侯趙公取證于學
博林吳兩先生鳩工集事則李二公有董
率之勞捐資助刻則邑紳士多玉成之力
書成矣余尤重有慨焉自明興迄今三百
餘年而僅有牟朱二志何其疎也豈盡人

後序

五

乏三長歟誠以草莽之人有其志者無其
權廟堂之宰有其權者無其志有其志與
權矣或因循于閒晏或怠忽於忽劇往往
成事惟艱求其比烈前賢而垂名後世也
鮮矣我邑侯趙公當飛鳧戾止之時值簿
書填牘之際舉人所不能爲不暇爲者一
旦毅然爲之且爲之必期其成成之必期

其速借非公敏決之才特達之識和易近
人之情謙尊而光之德何以集衆智資羣
力一舉而樹不朽之偉業哉惟山陬荒僻
著作獨難既無世家之秘藏可讀又鮮著
舊之言論可詢徵文考獻之謂何其能免
于疎陋耶是則余與諸子之所懇也夫
皆

後序

六

康熙二十三年龍集閑逢因敦律中林鐘

月邑人唐廷伯頓首謹撰



朱志原序

余不佞聞吳江之秀甲者素美心竊嚮往焉既而釋褐
筮令得舍於時採諸鄉先生之旅都會者因悉封域中
勝槩且以得士人秀吉登措置無煩難狀余用是喜沾
沾矣蓋以省諸盤錯苦而峰奇澤媚向之勞吾寤寐者
庶其旦暮遇之迨乎捧檄就事見夫薦紳先生謙而光
也士柔而克也百姓懋而馴也即下上其賦今所首特
以程殿最者以莫不輸將之恐後也則前之所傳聞於
鄉先生蓋於茲信之獨是疲臥繁應日不暇給且梗運

朱序

一

奔命役役風塵中復津梁為疲也以故山水風緣至燧
燧星迴者三而未偶也顧欲求一廬列峙流足備食息
卧遊者而舊誌梓簡又苦為燹火灰飛嗚呼振衣濯足
曠懷可待願以凌雲紀石之奇蘊玉含珠之秀不令千
人見萬人亦見山川笑人當不在追隨杖履間矣余是
以攬勝之意較短而紀勝之意則長也不寧惟是有司
職隸風土人文屬焉攬已披之華起方新之秀非其事
乎余雖搜得舊誌存本蓋為牟公時所註實終於嘉靖
之乙卯歲出指今茲已有百餘年其間滄海桑田白衣

蒼狗不知其凡幾矣及此而傳舍委之使後之作者目窮於見耳窮於聞風聲即得其似物色或失其真長吏職司之謂何余滋懼矣因謀之廣文許凌二先生先生慨然為任遂博選諸茂才中視其聞見所長區義類屬之幾越歲而草始具又總以授之居巢陸生數閱月乃次定焉蓋其慎也聞之格物之學明德者之先務也前事之紀後事者之師資也誌為總要者四以風雲龍虎分統之計其列而為卷者二十蓋巨細以備焉若夫則天時因地利和民俗調物宜一檢冊而得其理斯長民

朱序

二

朱序

三

賜進士出身文林郎知江南和州含山縣事平昌朱長泰撰

者觀覽所有事也今人與居古人與稽箕裘弓冶無失其舊斯都人士觀覽所有事也信斯誌也一方之文憲庶其有徵乎誌成其有勞余者嘉余者俱不受也余蚊負於茲者三載自分駕下無足表見其借是以衍百歲螢光不至隨泡沤同泯泯也余幸矣余幸矣行且歸矣梓里白社或過我而詢吳下勝槩余且出是編以示俾得卜大海於杓水之間是亦與諸子共之之意也抑其次也 時

順治辛卯孟夏月

年志原序

蜀龍厓年君自己陵移知含山縣事入境問邑之故無微焉則喟然歎曰含山雖稱僻小然集合四境蓋無慮百數十里古稱邦國又介江淮之間魏所置東關實在東端與濡須對壘其址尚存孫曹而降國於江左者率宿兵衛號重地乃無志焉其曷以鑒往而昭來乎蚤夜孳孳以為己事責然卒不得間居久之以屬博士奉化項君秀上虞羅君瑞明商城吳君泰而簡諸文學弟子以佐閱半歲而訖其編首圖考次建置沿革次疆域山

年序 原序

一

川次公署城池若形勝風俗學校祀典次戶口土產祥異又次則職官科甲人物仙靈終焉其諸細纖則各以其類附博哉瞻矣年君請事大吏浮淮泗道陰陽過衡字俾叙端簡顧松豈其人然松比年東游白石洞天徑東關問俗父老知年君佳令不欲重違其意為叙而歸焉胡子曰夫自司馬子長史記之作類聚古今數千年事班孟堅贊而述之為書後有作者其弗可及也已然余竊感今之郡若縣之志蓋古諸侯列國之史也古列國史若所云晉之乘楚之檮杌魯之春秋周禮小史外

史之所掌與左史倚相所讀九丘之書蓋其遺也無微弗論論其著者春秋一書所載十有二公二百四十二年之間僅僅數千言爾乃今天下後世之人之讀之者比其事而論世錄其見以闕隱則知周之盛王之禮樂政刑不行於天下而當時公卿大夫方伯連帥之職墮浸淫漸漬崩壞陵遲至使諸侯僭大夫竊陪臣執國命而一代之典章軌物綱紀法度人文藝極所為盛衰損益終始之變居然並睹茲其所以為盡性之書經世之業而亂臣賊子之所為懼者歟余不揆謏劣往嘗執筆纂

年序 原序

二

修之役於我乘竊亦妄意編年因事崇廣然識淺能薄聞見孤陋加以尚書期迫漏闕為甚蓋其恨竊意今之君子有志慕效斯業者其必少放麟經微示龜鏡因文見意即事為坊括萬目於大綱舉一隅而三反務使祖訓孫謨物則儀式稍稍著見而凡國體之尊卑人材之消長君子小人之用舍進退風俗之倣惡隆污與後賦之重輕刑賞之平否國用之贏絀災祥之數疏以及盜賊之強弱興滅宛然得之編簡之中斯豈非學士大夫命世之賢之責與或曰古者國有史官掌記時事且相

赴報故得畢書於策而今矣而從也抑不思今之官寺
藏室之所貯與其提控架閣之所典非史之遺歟廼郎
報之傳達之海內則既赴告之矣而况欽頒制可之成
書薦紳先生裨官野史之譚纂與街稱巷述虞初齊諧
之所紀錄可以參稽互証者乎神而化勿襲其跡微而
約弗窮其本大都今可尋繹庶後君子有考焉余既以
誦言告人然未之能行也會年君見屬遂發之其編之
首年君積學積文於已為名士能世其先業不知見此
謂余言然否故願竊聞也乃若典史王子印程梓續食

年序 原序

三

得附載云嘉靖乙卯夏日前山西布政使司右叅政徐
陽胡松撰

年志後序

年子曰余讀含山新志而幸山川之有遭也始余去巴
陵得是邑念茲雖僻小然密邇京省必有志載思所附
益既見來迎據吏問之曰無是時猶恐其或未知也及
抵任乃知果爾願一圖之第綰縣符為長吏且無倖佐
即庶事皆叢一身已又河南盜起海上寇作羽檄交至
日有戒心加之連旱祈禱賑恤益不遑禮樂之事也乃
近今少閒麥秋大有又賴諸君子勤敏博洽式克全編
自時布流海內使天下瞭然咸知含山之故實其來之

年志後序

一

遠而富有今哲如此則豈非山川之光而其遭蓋有數
與惜也余以報滿不及細討肆就梓焉但古人為命既
草創之復討論之而從而修飾潤色之要非一人一手
所能擅美而稱備則夫修飾潤色俾可附於太史氏之
後又豈非後之君子事與余幸及此書之成為含山重
故申厥義於末簡嘉靖乙卯七月望日賜進士第知含
山縣事重慶年泰書

修志姓氏

主修

本縣知縣趙 燦

監修

儒學教諭林搏雲

訓導吳自立

纂修

本縣貢生唐廷伯

長州府學生王 畿

含山縣志 姓氏

縣學生鍾 葵

正貢生張于甲

縣學生毛振華

縣學生唐廷對

督修

本縣典史李 鈺

辦事禮吏程 鉉

梓人吳可儒

可通

舊修含志姓氏

明嘉靖三十二年含山縣知縣牟 綦

學博項 秀

生員蔣 椿

俞 堪全修

皇清順治七年含山縣知縣昌平朱長泰主修

署教諭事舉人上元許 暢校閱

訓導射州凌嘉瑞纂修

居巢縣學生陸龍騰纂訂

含山縣志 姓氏

二

含山縣志凡例

一縣志自明嘉靖三十四年重慶年公纂修後迄

國朝順治六年百有餘載德平朱公重事修輯今三十

有六年矣因革損益應葺良多是集主以牟本佐以朱志汲古準今非敢意為去取

一志猶史也綱目一書繼麟經而程書法含雖彈丸條理悉具謹照通志例義分門附類錯綜經緯秩然可觀間有闕如彙從徵實不敢臆為附會也

一含居眾山中層巒疊嶂不可殫述表表在人聞見

含山縣志 凡例

一

者固悉從詳餘或存其名或志其堅俱不敢畧然由西北而東南展玩之下亦可知其大勢矣

一戶口土田賦役勒有全書料則歲有頒給似亦無庸志也第因時通變增損靡常或奉新令而忘舊制恐不免為弗辭煩縟悉為紀載以備稽考

一祠祀為邑之鉅典壇壝廟祀各有處所已載舊志如文廟先賢名號名宦鄉賢木主沿習既久不無舛誤博稽查對庶極精詳

一學宮新建既久形家筮吉嗣亦數有遷移丹雘勤

勞備詳瑣珎集中悉照原文次第編入蓋仰副

昭代崇文至意後有作者嗣好音而樂泮水即謂魯僖再見可也

一官職蒞任有功民社者例應有傳或間以數語用誌偉績今有傳者編入藝文餘悉仍舊

一選舉以志人文年分登仕固應詳註至例監掾仕亦屬一時盛典分別紀載以重名器

一舊志無人物統載選舉例內今特分一則詳誌行業昭示來茲庶不失表彰之意

含山縣志 凡例

二

一忠孝節烈未經題旌者例不應入然崇尚廉能憲典煌煌既屬方聞雖微必錄故荆裾抗節若潛水之霜姑蓮幕賢勞如白江之王尉固有裨於興觀亦羣資其鼓勵凡舊志已載者不敢妄意進退新增附入者務必允協輿情不致冒濫以失激勸

一風俗本於人情一時好尚每遷流而不可挽故習俗移人賢智不免含邑風稱淳朴風猶近古纖細不敢率畧易俗維風請以俟之君子

一舊志古蹟或附山川或附形勝原無專志今彙摘

成帙以便披覽

一舊志無八景朱志偶為增入如雪霽憑城何地無之而獨收之含志乎今志刪去凡遇名勝止詳註本山川之下

一按斷雖無卓識然或考訂參補或因仍存疑頗有苦心在焉特書大字單行取其便於翻閱耳非妄也

一藝文舊志獨缺凡詩文傳記皆散見於諸志下今特彙集以昭人文

含山縣志

凡例

三

含山縣志 凡例

一宦蹟志狀碑頌民謠揆諸體裁宜從簡略迺若經術文章卓然一世者典冊高文似難任其泯滅況軼行既著於生前輿論常深於逝後碑銘序記亦他日修明之一助

一游贈詩文無闕政治然而山川蘊其靈異鄉國代有傳人是以形勝疆域名宦鄉賢篇章雖有遐遺集中悉為按輯其繁縟不無里漏之譏存諸異時永備輶軒之採

一記事傳叙雖先達時貴崇直書名非散僭也蓋亦

做史例臨文不諱之義焉

邑志因善善之書也然旌善即所以別惡鼓舞作興實寓微權何敢忽焉矣公矢慎務期可質鬼神惟信惟微聊佐一時文獻云爾




四


含山縣志卷第一

圖考 圖景附


自六籍興而圖書之道啟矣先王辨方正位
險阻阨塞之區版圖以藏政府而設官分職其有按
圖而稽者乎含稱巖邑表延二百餘里山川之流峙
城署之奠麗與官師治教所敷揚而風土之清嘉亦
良可紀矣方今絕嶠遐陬重譯以圖 王會山城巖
爾得備鳥書之餘而林響江光且附以不朽焉所云
山水有待而名著者歟志圖考





一



二





縣署圖考




三


學宮圖考



四



五






合山古園至榜形
勢而相之相初傳
甲屬德石志特引
為其山之重耶論其
地寄古徑疎林極
出樓勝處




聖易洞
距褒山三里許初松凌
峭壁取傳片於物也迥
深當峰古洞窟冥吳
遜齊之千古華 陽
臺主亦可云山水奇
矣











+



十一

